

MORNING GOJRI NEWS BULLETIN 27FEB 2025 1015HRS

مارننگ گوجری نیوز بولیتن 27 فروری 2025

یوہ آکاشوانی جموں محمد اکرم تیں خبر سُنو۔

LA BUDGET SESSION

جموں کشمیر اسمبلی غو بجٹ اجلاس ۳ مارچ ۲۰۲۵ تیں شروع وے گو جس غو افتتاح لیفٹیننٹ گورنر منوج سنہا کریں غا وے اجلاس غا آگاز مانہہ خطاب کریں غا تے حکومت غی مالی حکمت عملی پیش کریں غا۔ اس اجلاس مانہہ اہم مالی معاملہ تے بجٹ ور غور کیو جے غو۔ حفاظت گا سخت انتظاما کیا گیا ہیں تے اسمبلی کمپلیکس مانہہ ضروری سہولیاں نانہہ بہتر بنایو جارہیو ہے۔ اس بار غو بجٹ بنیادی طور ور سیاحت زراعت تے تعلیم جیسا شعباں ور مرکوز وے گو یوہ بجٹ عمر عبداللہ غی قیاد مانہہ نیشنل کانفرنس حکومت غو پہلو بجٹ وے غو جہیری ۶۱ اکتوبر ۲۰۲۴ نانہہ اقتدار مانہہ آئی تھی۔ گزشتہ اسمبلی اجلاس مانہہ ریاستی درجہ غی بحالی ور بحث ہوئی تھی۔

APM LA

اسمبلی غا سپیکر عبدالرحیم راتھر غی جانب تیں اج پارٹی میٹنگ بلانی گئی ہے جہیڑو بجٹ سیشن تیں پہلاں ایک اہم اجلاس وے غو۔ یاه میٹنگ ۰۴ روزہ اجلاس واسطے ماحول تیار کرے غی جس مانہہ ۲۲ نشست وے غی جہیڑی ۳ مارچ تیں شروع وے غی۔ حزب اختلاف خاص طور ور بی جے پی، پی ڈی پی، تے پیپل کانفرنس عمر عبداللہ نانہہ گھیرن واسطے پوری کوشش کریں غی جدکہ کانگریس جہیڑا پہلاں ہی واضع کر چکا ہیں کہ وے حکمران جماعت غ اتحادی ہے سی پی ایم، غی طرح متوازن رویہ اختیار کرے غی۔ یا پارٹی میٹنگ سپیکر عبدالرحیم راتھر غی صدارت مانہہ اج سویرے ان غا دفتر مانہہ وے غی۔ اس میٹنگ مانہہ قائد حزب اختلاف سونیل شرما تے سرجیت سنگھ سلاتھیہ دوئے بی جے تیں ہیں علی محمد ساگر تے مبارک گل نیشنل کانفرنس تیں گلام احمد میر کانگریس تیں سجاد گنی لون جہیرا پیپل کانفرنس تیں ہیں ان تیں علاوہ محمد یوسف تارا گامی جہیرا سی پی آئی ایم تیں ہیں وید رحمان پرا جہیڑا پی ڈی پی تیں ہیں تے مظفر اقبال خان جہیڑا آزاد نیشنل کانفرنس تیں منسلک ہیں ان سارا نانہہ مدعو کیو گیو ہے۔ اسپیکر اس میٹنگ مانہہ تمام سیاسی جماعتاں غا رہنما وں تے چیف سپ غ تعاون غی درخواست کریں غ اتانجے اجلاس خو اسلوبی تیں چل سکے۔ جس تیں عوامی مسائل چایا جیں تے اُن گا حل کڈیا جاسکیں۔

SAKEENA JKMSCL

صحت طبی تعلیم سماجی فلاح بہبود تے تعلیم کی وزیر سکینہ اتو گزشتہ روز سیو سیکرٹریٹ جموں مانہہ جموں کشمیر میڈیکل سپلائز کارپوریشن لمیٹڈ گا کم کاج تے کارکردگی گو جائیزو لین واسطے ایک میٹنگ کی صدارت کی سکینہ اتو نے افسران نا خطاب کرتا وں جموں کشمیر مانہہ صحت دیکھ بھال کی خدمات کی فراہمی نانہہ بہتر بنان واسطے طبی سامان کی نگرانی گا نظام نانہہ مضبوط بنان کی ضرورت ور زور پایو۔ انہاں نے تمام ضلع تے سب ضلعاں ہسپتالاں گے نا نا صحت مرکز ان مانہہ مریضاں واسطے ادویا کی تقسیم نانہہ شفافیت تے موثر بنان ور زور دتو وزیر موصوفہ نے تمام سرکاری میڈیکل کالجاں گا پرنسپلاں نانہہ کیو کہ وے اپنا متعلقہ ہسپتالاں مانہہ مریضاں بنڈن آلی ادویا گے نا نا مریضاں نانہہ

تجویز کردہ جہیڑی ان غا ہسپتالوں مانہہ دستیاب نہیں ہے غو مناسب ریکارڈ رکھیں اُنہاں نے ایم ایس سی ایل کی انتظامیہ ور مزید زور پایو کہ وے طبی سامان گے نا نا کارپوریشن کی طرفوں خریدی جان آلی مشنیری تے آلا گا معیار نانہہ برقرار رکھیں جموں کشمیر مانہہ صہت دیکھ بھل گا بنیادی ڈھانطہ نانہہ مضبوط بنان مانہہ ایم ایس سی ایل گا کردار نانہہ تسلیم کرتا واں اُنہاں نے انتظامیہ ور زور پایو جے وے ایک زیادہ زمہ دار تے موثر نظام آلے پاسے کم کریں جہیڑو ا غا لوکاں کی بدتی طبی ضروریاں نانہہ پورو کرے۔

RANA WILDLIFE

وزیر جنگلا ماحولیا و جنگلی ضیا جاوید احمد رانا نے پیر پنجا غا دورا غے دوران جنگلی حیا غا نایاب تے معدوم ہون آلی نسلان گا تحفظ واسطے جدید اقداما ور زور دتو جنگلی حیا محکمہ نے گزشتہ سا نوشہرہ تے سچیرہ تیں برانڈٹ ہیجہاگ اکتوبر ۲۰۲ مانہہ راجوری تیں سموتھ کوٹڈ اوٹر تے جنوری ۲۰۲ مانہہ نوشہرہ تیں انتہائی نایاب پنگولین غی موجودگی غی تصدیق کی تھی وزیر نے ان دریا فتنانہہ محکمہ جنگلی حیا واسطے خو آئیند قرار دتا واں کہیو کہ ان علاقان مانہہ تحفظ غا اقداما کیا جیں۔

RANA JAL SHAKTI

جل سکتی جنگلا تے ماحولیا تے قبائلی امور غا وزیر جاوید احمد رانا نے کل پیر پنجا خطہ مانہہ جل جیون مشن تیں جے جے ایم کی موثر خدمات کی فراہمی ور بروقت نفاذ ور زور پایو اُنہاں نے خطہ مانہہ اپنا دورہ غے دوران پیر پنجا مانہہ علاقان مانہہ جے جے اہم سمیت ترقیاتی سرگرمیاں گو جائیزو لیو اس دوران اُنہاں نے پانی کی فراہمی بارے سکیمان مانہہ تیزی لیاں کی ضرور زور پایو تے اُن مانہہ مکمل کرن واسطے وقت مقرر کیو تانجے سب واسطے پین گو ساف پانی کی فراہمی نانہہ یقینی بنایو جاسکے اُنہاں نے افسران ور زور پایو جے وے ہنگامی بنیاد ور کم کریں تے پیش رفت کی باقاعدگی نا نگرانی کریں تے نا نا طہ شدہ پیرا میٹر ور عمل کرن کی ضرور نانہہ اُجاگر کیو اُنہانے دور دراز علاقان مانہہ پانی کی سپلائی مسلسل فراہمی نانہہ برقرار رکھن بارے اقداما گو وی جائیزو لیو تے عوامی شکایا نانہہ موثر طریقہ نا دور کرن واسطے ایک مضبوط شکایت گا ازالہ گا طریقہ سمت معل اقداما ور زور پایو۔

INDIA SLAMS PAK

اقوام متحدہ کی انسانی حقوق کونسل گا ۸۵ مشاورہ گا ۷ واں اجلاس مانہہ بہار نے پاکستان نانہہ سخت تنقید گو نشانو بنایو ہے تے اُس نانہہ بینل العوامی امداد ور انحسار کرن آلی ناکام ریاست قرار دتو ہے جنے وا مانہہ اقوام متحدہ مانہہ بہار گا مستقل مسن نے پاکستان گا لیڈراں ور الزام لایو جے وے اپنا فوجی دہشت گرد کمپلیکس نا چھوٹ پھیلا رہیا ہیں اُنہاں نے اس گل نانہہ دوبرایو ہے جے جموں کشمیر آج گے نا ہمیشہ بہار گا اتوٹ انگ رہے غو اُنہاں نے حالیہ برسوں مانہہ خط کی نمایاں سیاسی سماجی تے اقتصادی ترقی گو حوالو دیتا واں کیو جے پاکستان اسلامی تعاون تنظیم نانہہ ترجمان گا طور ور استعمال کر رہیو ہے۔
